

OTPREMLJENO
14-11-2018

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA**

Broj: 04-1468-12-61-6/18
Tuzla, 12.11.2018. godine

Na osnovu člana 70. stav (1), (2), (3) i (6) Zakona o javnim nabavkama ("Službeni glasnik BiH", broj: 39/14), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i preporuke Komisije za javne nabavke iz Zapisnika o pregledu i ocjeni ponuda broj: 04-1468-12-61-5/18 od 07.11.2018. godine, donosim

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 04-1468-12-61-5/18 od 07.11.2018. godine.

Za najpovoljniju ponudu za nabavku radova – asfaltiranje parkinga u sjedištu Zavoda, bira se ponuda ponuđača „Cestotehnik“ d.o.o. Tuzla sa cijenom u iznosu od 29.816,75 KM bez PDV-a, odnosno 34.885,60 KM sa PDV-om.

Član 2.

Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Odluka stupa na snagu danom donošenja.

Obrazloženje

Na osnovu Obavještenja o nabavci, objavljenog putem sistema Agencije za javne nabavke "e-nabavke", broj obavještenja: 793-7-3-74-3-61/18, od 23.10.2018. godine, a u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "e-nabavke" ("Službeni glasnik BiH", broj: 90/14 i 53/15), pokrenut je postupak javne nabavke, putem Konkurentskog zahtjeva za dostavu ponuda, za izbor najpovoljnije ponude za nabavku radova – asfaltiranje parkinga u sjedištu Zavoda.

Rok za dostavljanje ponuda isticao je dana 06.11.2018. godine u 11:00 sati.

Javno otvaranje ponuda održano je dana 06.11.2018. godine, u 11:30 sati, u prostorijama Ugovornog organa.

Procijenjena vrijednost javne nabavke iznosila je 29.914,53 KM bez PDV-a.

Kriterij za dodjelu ugovora je najniža cijena ponude, u skladu sa članom 64. stav 1. tačka b) Zakona o javnim nabavkama („Službeni glasnik BiH“, broj: 39/14).

Pregled ponuđača koji su dostavili svoje ponude, za ovaj predmetni postupak:

Naziv ponuđača	Ukupna cijena ponude bez PDV-a (KM)	Ponuđeni popust (KM)	Ukupna cijena ponude bez PDV-a sa popustom (KM)	Datum i sat prijema
„Cestotehnik“ d.o.o. Tuzla	29.816,75	/	29.816,75	06.11.2018. godine u 09 sati i 25 minuta

Nakon pregleda i ocjene dostavljene ponude, Komisija za javne nabavke je utvrdila da je ponuda dostavljena blagovremeno i da ista ispunjava formalno pravne uslove.

Za predmetnu nabavku je bila predviđena E-aukcija, u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16), ali ista nije zakazana iz razloga što je dostavljena samo jedna ponuda, te se postupak okončava u skladu sa članom 69. Zakona o javnim nabavkama BiH, a sve u skladu sa odredbom člana 3. (3) Pravilnika o uslovima i načinu korištenja e-aukcije.

Dana 07.11.2018. godine, sačinjen je Zapisnik o pregledu i ocjeni ponuda broj: 04-1468-12-61-5/18 koji sadrži sve elemente vezano za pregled i ocjenu dostavljene ponude u ovom postupku.

Zapisnik o pregledu i ocjeni ponuda broj: 04-1468-12-61-5/18 od 07.11.2018. godine, će se dostaviti ponuđaču koji je učestvovao u ovom predmetnom postupku.

Shodno odredbama Zakona o javnim nabavkama, podzakonskim aktima i općim aktima Zavoda, nakon provedene e-aukcije, kriterijem za vrednovanje ponuda „najniža cijena ponude“, odlučeno je kao u članu 1. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) Zakona o javnim nabavkama („Službeni glasnik BiH“, broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

DOSTAVLJENO:

1. Ponuđaču (s povratnicom)
2. Sektor za trezorsko poslovanje
- ③ a/a

